

# Taitus

## Pas Por ai Taitusimbo sürü papimarandi

---

**1** <sup>1</sup>Ro Por Godindi ratüpuriya asu Sisas Kraisindi hoafi sahamindi ha-rihandeimb-anahi. God ai nindoumbo wand-anei yahu-ndüreimbi ranabei anihondümbofe ra nginemindi-ndürimbo asu Godindi mbumundi hohoanimo fifirife süngufembohünda kafaore hiningi-mareandür-ane. <sup>2</sup>Anihondümbofe asu fifirife ranahandi nimindi ra yangiri koadürü-koadürümbo ningombo ranahambo himboayefi ranane. Horombo hifi nafikoate-yuambe God tikai hoafikoateyu-randeimbi ranahambo horombo hoafimareandi. <sup>3</sup>God ai yifirimayu rasimboani ai ahandi hoafi ra weindahi-mareandi. God sihefimbo aboedambo-reamuni-randeimbi ai randowandi yahuhü wandi warihü hoafi ra masihenda ro ahandi hoafi-süngu randowandi bokarihehe arihandi. <sup>4</sup>Taitus, ro sihambo pas nda sürü paparihandi. Sihehi mamindhünda anihondümbofe hohoanimo raninambo wandi nimori nahurai-anafi. Nga Ape God asu Sisas Krais aboedambore-randeimbi ai moani hipoambofe asu ngusüfo afurife kife hohoanimo mbisabinanin-amboane.

### Taitusindi ratüpuri Krit airanihü

<sup>5</sup>Bidifiri ratüpuri moendife-koate aningo ra moendife asu munguambo adükari ngoafihü anihondümbo-rihindeimbi hifandimbo nindou kafeofe hiningi-fembohünda horombo hoafimayahi süngu ro sihambo airan Krit ranihü hiningi-mariheanini. <sup>6</sup>Hifandi-randeimbi nindou ranai nindou-yei himboahü mbumundindu haya nimorehi mameimbindu. Asu ahandi nimori amboani Kraisimbo anihondümbo-mbirihind-amboane, nga ai yowani boagiri-yei hoafi amboani himborikoate-ndeimboyei. <sup>7</sup>Se fifirowandi, anihondümbo-rihindeimbi hifandi-randeimbi ai Godindi ratüpuriyu-randeimbi-ani. Ranimboane asu ahandi hoahoango ra aboedimbeyo-wamboane. Ai ngiri moaruwai hohoanimo ahei himboahü randeanda hoeindhindi asu

ngiri afind-afindindu. Asu ai ngiri ngusüfoambe nimai hüfindu. Asu ngiri bia ndümündü haya afind-afindindu ndandi. Ai ngiri nindou harindu asu ngiri kaki napombo semindimbo hohoanimondu ndandi, nga yowani. <sup>8</sup>Ai nindou ngorü ngoafihündi ahei ranaheimbo worinambo-mbireandür-amboane, nga asu ai aboedi hohoanimo rani yanggiri hohoanimondühi sngumbireand-amboane. Nga ai aboedi diboadorihoei nüngumbo Godindi hohoanimo rani yanggiri hifandimbirand-amboane. Asu ai ahandi fi muŋgu ra wudipoapore hifandimbirand-amboane. <sup>9</sup>Nga asu ai anihondü hoafi yamundi-marüwuri ra kikihi-mbiramündu-wamboane. Ranimbo asu ai nindou bidiframbo yamundi-ndeandürühi, ahei ngusüfoambe kikimimbo-foareandür-amboane. Asu yamundife hoafi aboedi rananimbo nindou ai anihondü yamundife hoafi mbaharihehindi ranaheimbo ai ndore hoafimbiyundür-amboane. Ranimbo asu ahei moaruwai hohoanimo ra yarihi hoeimbihind-amboane.

### Krit nindou ai afindi tikai hoafümb-anei

<sup>10</sup>Yini, nindou afindi ai hoafi mbahibadi-rihoundeimbi aningomo, nga moani hoafi yangir-anemo, asu nindou aheimbo tikarhou wosihoafori hoafiyomo-rundeimb-anemo. Nindou afindi ai rawarundi ra ai Suda-anemo, nindou fi-hoeari karu tirihoeemo-ndeimbi-yomondi mamisir-anemo. <sup>11</sup>Nindou yahurai ai hohoanimo yamundarundi ra sihiri ngiri randihundi. Ranane asu nindou bidifiri mami worambeahindi, ranaheimbo ngusüfo mamikararundüri kaki semindimbohünda. Ranimboane se nindou yahurai-yafe yafambe ra kikihindapundifi. <sup>12</sup>Horombo Kritihündi fifireandeimbi ahandihoari hoafiyuhü yahuya, 'Kritihündi aiana tikai hoafiyei arihündi. Ai nimambeahindi ninihondi moaruwai nahurai ratüpurimbo yihoarukoyeihi afindi sahüsi arihündi,' mehu. <sup>13</sup>Rani hoafi ra anihond-ane. Ranimboane se aheimbo nginindi aboedi hoafindafindüri. Ranimbo asu Adükarimbo anihondümbofe ra nginindimbeyo-wamboane. <sup>14</sup>Ranimbo Suda-yafe hürütühoafi yanggiri asu nindou ai hoafi hondümbo daboadi hihirarihindi ranahei ahini hoafi ranahambo ngiri hohoanimondei. <sup>15</sup>Nindou didiyei ahei hohoanimo sürühoeimbayo ana, asu ranaheimbo muŋguambo moatükuni sürühoeimb-ane. Nga asu nindou ai moaruwai hohoanimoaye ra moai Kraimbo anihondümbo-rihindi, ranaheimbo muŋguambo moatükuni sürühoeimbi-yopoani. Nga ahei hohoanimo ngusüfoambe afoero ranamboani moaruwai-ane. <sup>16</sup>Yafambe yanggiri ai yarihi hoafiyeihi, 'Ro Godimbo fifirihini,' asei. Nga asu ahei hohoanimo yarihi nafuiyeihi Godimbo daboadi hihirihorühanei. God ai aheimbo moai wudireandüri. Ai hoafi kikihiri-hindühanei, nga ai ngiri aboedi hohoanimo randihindi.

### Hoafi nda nimorehi nindowenihi boagirambo hoaf-ane

**2** <sup>1</sup>Nga Taitus, se ndorihoeimbi hohoanimo rani-süngu nimorehi nindowenihibo yamundowandüri. <sup>2</sup>Nindowenihi boagiri

ranahamumbo hohoanimo nda süngufembo yamundowapuri. Ai ahamundihoari ndondu hibadundühi, nginindi-hamindi anihondümbondundi. Ai ngusüfo parundühi asu tñjirifo tükündifeyoani moanane mbisimo nginindi mbiniñgomond-amboane. <sup>3</sup>Mare yahurai-animbo nimorehi boagirimbo amboani yamundowandüri. Ai aboedi sürühoeimbi yanggiri niboadeihi asu daboadani amonjonimbo hoafindeimboyei. Asu aheimbo nginindi hamindi bia ra hibadarümboe, nga yowani. Iga ai aboedi hohoanimo süngufembo ra yamundimbirihind-amboane. <sup>4</sup>Asu nimorehi ngusüfo kikihiri-hindeimbi ranaheimbo yamundife-ndürimboane aboedi hohoanimo ndahurai: Ai ahei nindowenihambo ngusüfo pandihipuri, asu ahei nimorambo amboani mami yahurai ngusüfo pambirihindür-amboane. <sup>5</sup>Asu ai ahei hohoanimo ra wudipoaporihi hifandirihündühi, mbumundi mbiniboadei-amboane. Asu ahei wori ra diboadorihindühi hifandi-mbirühünd-amboane. Asu muñguambo aboedi mbifarihehindür-amboane. Rananimbo asu ahei nindowenihi-yafe hoarehi mbiniboadei-amboane. Ai rani hohoanimo ra muñgua süngumbirihünd-amboane. Rananimbo nindou ai ngiri Godindi yamundife hoafi ranahambo tiriboandihhi hoafindei.

#### **Hoafi nda hoarifamborimbo hoaf-ane**

<sup>6</sup>Mami yahurai se hoafindafipuri, nindou akidou hoarifambori-yomondeimbi ranahamumbo, nga ai-amboani ahamundi hohoanimo ra ahamundihoari wudipoaporu hifandimbirund-amboane. <sup>7</sup>Hohoanimo muñguambo se rawarowandi ra, se-amboani aboedi nafuimbo nimbafani nindou ai sihambo horihininihü süngu-mbirihinin-amboane. Nindou yamundife ratüpuri ra anihondümbo hondü ndondo yamundowandi. <sup>8</sup>Asu se anihondümbo yanggiri hoafindafi ndandi. Rananimbo nindou ai ngiri sihambo moaruwai-ani mbisei. Iga rananimbo sihefimbo nginindarihümuni ai amoaningi-ndeimboyei sapo sihefimbo moaruwai hoafimboaye ra nini-moatükuni moaruwai moai rarihundi.

#### **Hoafi nda moani ratüpuriyei-rihündeimbimbo hoaf-ane**

<sup>9</sup>Se moani ratüpuriyei-rihündeimbi yando yamundowandürühi hoafindafindüri muñguambo moatükuni ai ahei bogori ranahandi hoarehimbeyei-amboane. Asu ai diboadondihhi aboedi ratüpuri ratüpurimbeyei-amboane. Rananimbo ahei bogori ranai 'aboed-ane' mbeyahomondür-amboane. Asu ai ngiri ahei bogori ranahamumbo moaruwai hoafi simbori hoafindahüpuri. <sup>10</sup>Asu ai ahamundi-mayo napo bidifiri moani ndahümündimboyei, nga yowani. Rananimbo bogori ai aheimbo anihondümbo-ndundürimboemo. Rananimbo asu ahei ratüpuri muñguambo raninambo sihefi God aboedambo-reamuneimbi ahandi yamundife hoafi ranahambo nindou ai aboed-ane mbiseimboyei.

### **Sihiri aboedi niboadefombo Kraisimbo hibadihurimboane**

<sup>11</sup> Sihiri fifirihundi, nimorehi nindowenihi muŋgu aboedambofe-ndürimbohünda Godindi moani hipoambofe weindahi tükümeŋeyo. <sup>12</sup> God ai sihefimbo moani hipoambo-mareamuni hohoanimo ranai-ane sihefimbo yamundireamuni arandi. Godimbo daboadi hihirife hohoanimo asu muŋguambo hifinindi hohoanimo moaruwai ra hiniŋgi-fembohünda yamundi-mareamuni. Sihiri wudipoapondihi hohoanimo-ndefomboane, ndasimboani mbumundi hahabodefühi asu Godindi hohoanimo ŋiŋgundi-humboane. <sup>13</sup> Sihiri yarihundani anihondümbö-ndihundühi, sihefi God asu Aboedamboreamuni-randeimbi Sisas Krai ai himboamupuimbo-randeimbi diŋbofe weindahi tüküfemboayu ranahambo hihifi-hihifiyefühi hifandarihundi. <sup>14</sup> Sisas ai sihefimbo muŋguambo moaruwai hohoanimo-ambeahindi aboedambofe-munimbo yifimayu ahandi yanggiri sürühoeimbi nindou niŋgomböhünda. Nindou ranai aboedi hohoanimo yanggiri süngufembo hohoanimondei ndühündi. <sup>15</sup> Hoafi ra yamindowandüri ndandi. Aheimbo ŋginemindürimbo asu moaruwai hohoanimo hiniŋgi-fembohünda ŋginindihündo hoafindafindüri ndandi. Ŋga asu sihambo nindou ai nindou yanggir-ani mbiseimboyei.

### **Sihiri aboedi hohoanimo ranahambo ŋginindi niboadefimboane**

**3** <sup>1</sup> Se nimorehi nindowenihambo ŋgusüfoambe botindowandüri ndandan-animbo, ai gafman asu gafmani-yafe ratüpuriyomorundeimbi-yafe hoarehiyeihi ahamundi hoafi süngurihindühi nafindihümündi nimandeimbo aboedi ratüpuri ratüpurimbeyei-amboane. <sup>2</sup> Ŋga asu ai ŋgiri nindou ŋgorümbo moaruwai hoafindei. Asu ai ŋgiri yifiarindei, ŋga ai wudi-wudindeihi nindou-yafe himboahü ahei fi hifinambo-ndihindi. <sup>3</sup> Ŋga se fifirowandi, horombo sihiri amboani ŋgusüfokoate-yefi, hoafi himborikoate-yefi asu Satan ai sihefimbo tikai hoafimemuni. Sihiri afindi moatükuni moaruwai hohoanimo ŋgusüfoambe botirea-ndeimbi, rani-hoarehü manimboefi. Sihiri nindou moaruwaimbofe hohoanimo süngurihi asu napo hohoanirihi marihundi. Asu sihefihoari amboani simbori ŋginindüriyefi rihundühi maniboadeŋi. <sup>4</sup> Ŋga asu God Aboedamboreamuni-randeimbi ai sihefimbo hohoanimoyumunühi hipoambo-mareamuni ra weindahi tükümeŋeyo. <sup>5</sup> Sihiri moai aboedi hohoanimoyefani-yupoani ai sihefimbo aboedambo-mareamuni, ŋga wani. Ŋga ahandi hipoambofe ranamboyu sihefimbo aboedambo-mareamuni. Ai sihefimbo popoi-marihemuna, sihiri nimori aboedi tükümeŋhunda asu Yifiafi Aboedi ai sihefimbo simbori yanggiri aboedi niŋgombo masemuni. <sup>6</sup> Sisas Krai Aboedamboreamuni-randeimbi ahandi sünguyo God ai sihefimbo Yifiafi Aboedi afindi masemuni. <sup>7</sup> Kraisindi

hipoambo ra sihefimbo mbumundi nindou yaho dukamareamuni. Ranimboane asu yanggiri koadürü-koadürümbo niḡgombobohunda sihefimbo kamafoareamuni. Ranahambo anihondümbo-ndihundühi hibadihu nimboefimboane. <sup>8</sup>Rani yamundife ra anihond-ane. Ḳga se ranahambo hoafindafani nindou aboedi fifirimbirihind-amboane samboanahi hoafayahi. Ranimbo asu Godimbo anihondümbo-rihindeimbi ai aboedi hohoanimo süngufembo tiḡirifombeyei-amboane. Rani-moatükuni aboed-ane asu muḡuambo nindou fandihendürimboe. <sup>9</sup>Ḳga asu mamikarambo hihindi hoafi ra ai düdu-düduyei wakirihi-rihündühi, amoa mami-yei ndürimbo wataporimborühi, asu ḡginindiyehi Mosesindi-mayo ahinümbi hohoanimo ranahambo hoafina simbori-simborayei, ḡga ranahambo se ḡgasündowandi. Ḳga sihiri fifirihundi ranana ḡgiri sihefimbo fandihemuni asu ai ḡgiri sesi aboedi hisindo. <sup>10</sup>Nindou yikürübü-reandeimbi ahambo mamimboyo yimbumboyo ahini hoafindafindo. Ḳga ai hoafi himborikoate-nduani, se ahambo daboadi hihindiwori. <sup>11</sup>Se fifirowandi, nindou yahurai ra ai nafi aboedi hiniḡgirundühi moaruwai hohoanimoyomo arundi. Asu ahamundi moaruwai hohoanimo ranai ahamumbo papi-hoafimarapuri.

### **Bidifiranambo hoafi**

<sup>12</sup>Süḡgunambo Artemasiyu asu Tikikusiyu sihambo sowana koandihehinimboyahi, ḡga se wambo sowana Nikoporis ḡgoafinambo sifombo tiḡirifondafi. Ḳga se fifirowandi, ḡgisihari tükifeyo-ambe ro Nikoporisihü nimboamboanahi masahi ra. <sup>13</sup>Se ahinümbi fifirundeimbi Sinas weimbo Aporosi yimbu ahafanimbo nafi ho ra wudindo fandihawapira ai ḡgiri nini-moatükunimbo mbonimbo-ndandifani. <sup>14</sup>Sihefi nindou ai aboedi ratüpuri raniwami niboadeimbo ra fifirimbirihind-amboane. Asu nindou mbonimbo-arihümündi, ranaheimbo mbifarihe-hindür-amboane, asu ai hifi ndanihü ḡgiri moani nimboei. <sup>15</sup>Muḡuambo nimorehi nindowenihü ro-babidi aniboadei nda ai sihambo hihifarihünini. Anihondümbo-rihindeimbi ai yihoefimbo hohoanimo-ayahümuni ranaheimbo hihifindandüri. Ḳga moani hipoambo hohoanimo ra muḡuambo se-babidi mbeyangoro-wamboane.